

# Capítol 1

## Naximientu de Pedro Saputo



*Braulio Foz:*

- **¡Bendito sía Dios!**

Bien se vale que yo, Braulio Foz,  
he escrito iste libro.

Un libro que replega todas as aventuras  
que vivió de verdat,

o nuestro protagonista, Pedro Saputo.

O gran Pedro Saputo, con tantas virtuz y talento!

Por iste libro que he escrito,  
qué me pagará o mundo?

Tanto se me da.

No he escrito o libro por intrés.


A mía recompensa ye saper que ye un libro  
que ferá goyo a muita chen.

Un libro que leyerán y desfrutarán  
presonas chovens y viellas,  
presonas listas y no tan listas,  
en os lugars u en as zitudaz.


Qué buen rato pasará a chen cuan lo leiga,  
A o canto d'o fogaril enzendito d'ibierno!

Por ixo, quiesto leyedor,


L'aviso que con iste libro se va a entretener.



Ista esprisión  
senifica Grazias a  
Dios. S'usa pa fer-  
se contento por  
bella cosa que ha  
alcurriu.




A nuestra istoria escomienza en Almudévar,  
un lugar d'Aragón que ye a 18 kilometros de Uesca.  
En o lugar bi eba a una **mozeta** que viviba sola,  
porque en cumplir 15 años  
sus pais espritoron.  
Os pais suyos se clamaban Antón y Chuana.




As **mozetas** yeran  
mullers chovens y  
virchens. Una presona  
virchen ye una  
presona que no ha  
teniu relaziions  
sexuals.

Ista mesacha yera pobre  
y nomás teneba a casa suya,  
en a carrera que se clamaba: o Forno de fuera.  
Trellaba de **lavadera**  
y guisandera en vodas y birollas.  
Animaba a toz, cantando  
y tocando o pandero con goyo.




Una **lavadera** ye una  
presona que treballa  
lavando ropa.

Yera una muller intelichén, fabladera,  
**escoscata** y aimable.  
No teneba invidia d'a chen rica  
y no deseyaba cosetas malas a dengún.  
Una muller quiesta y respetata en o lugar  
por estar una muller **onrata, casta y modosa.**




Una presona  
**escoscata** ye una  
presona que cuida  
muito a suya ichiene.



Una presona **onrata**  
ye una presona que  
no fa cosa mala a ras  
atras presonas.

A cara suya yera redonda, ni guapa ni fiera,  
O suyo cuerpo delgau con bel kilo de más.  
Vestiba con ropa floquetera.



Una muller **casta y  
modosa** ye una  
presona que viste  
con ropa discreta y  
que evita  
prevocaziions.

Una muller atrautiva pa la chen d'o lugar,  
que teneba muitos **pretendiens**.  
Beluns d'os pretendiengs yeran presonas ricas.  
Pero a toz ellos les deziba que no quereba casar-se  
y lo deziba de traza que a dengún no les **faltaba**.

Ista muller no quereba aimors, ni casar-se,  
porque cuan **empezipiaba a fer-se moza**,  
una chitana d'o lugar le contó una **profezía**:

*Chitana:*

- Si casas, abrás esposo,  
glarimas, pena y dolor.  
Embasta sola tu amor  
y o fruto será cheneroso.

Dende antozes, a muller  
dezidió que nunca no se casareba.

Cuan cumplió 20 años, seguiba soltera.  
A chen d'o lugar se la miraba raro,  
porque una muller a la suya edat  
ya aberba d'estar casata  
y con varios fillos u fillas.


Un **pretendién** ye una  
presona que quiere  
tener una relación  
amorosa con atra u  
quieren casar-se.

**Faltar** ye fer que una  
presona se sienta  
umillata. Cuan se  
falta a bella persona  
ista s'ofende, se  
siente mal por bel  
mal comentario u  
faltada que bel atro  
u atra l'ha dito.


Fer-se moza significa  
cumplir 14 años. Ista  
esprisión significa que a  
zagala se feba mayor.

Fer una **profezía** ye  
endevidar o futuro.

Ista profezía quiere  
dezir que as mullers  
que se casan viven  
pior que as mullers  
solteras.




De sopetón, un día, a muller despertó  
y yera empañata de 6 meses.  
A chen d'o lugar se sorprendió por a noticia,  
a lo prenzipio no creyeban que estase verdat.  
Pero sapeban que era una muller **onesta**  
y en veyer a suya tripa rinchata,  
no teneban dandolo de que yera empaquetata.



Una presona **onesta**  
es una presona que  
siempre dize a verdat.

Pasado bel tiempo, **dio a luz**  
a un nino gran y fermoso.  
A chen eba curiosidat  
por saper quí yera o padri



**Dar a luz** ye o  
momento d'o parto.


*Chen d'o lugar:*

- Quí ye o pai?

*Mai:*

- Por agora, ye mío y de Dios.

Ella cutio respondeba o mesmo.  
O **chustizia** y o cura d'o lugar insistiban  
en saper qué presona yera o pai,  
pero ella perén respondeba o mesmo.



El **chustizia** yera una  
presona que  
s'encargaba de resolver  
problemas entre  
vezinos y vezinas. Yra  
una presona muy  
respetata y con  
autoridat.

*Mai:*

- Ye mío y de Dios.

Asinas que dengún no'n preguntó más.  
A chen creyeba que yera un miraglo.

O día que cristianoron a lo nino,  
dengún ombre quereba estar o **patrín**.  
Antozes, o chustizia y o **sendico**  
arreunieron a toz os vezinos y vezinas  
y fizieron una propuesta  
ta dezidir quí eba de fer patrín.

*Chustizia:*


Quiestos vezinos d'Almudévar!  
Toz sapez que a filla de l'Antón y d'a Chuana  
d'a carrera ro Forno de fuera,  
ha tenu un fillo  
y no'n tiene de patrín ta o suyo baltizo.

Pa dezidir quí ha d'estar o patrín,  
l'imos a itar a palleta  
d'a siguién traza:  
Toz os nombres de cada vezino y vezina  
s'escriben en un papel.  
Chitamos os papels con os nombres escritos  
a iste pozal y dimpués los mezclamos.

Os 3 primers papels que culla  
serán os posibles patrins d'o nino.  
Toz abrán de votar  
a una d'as 3 presonas  
ta que siga o patrín.  
A presona que más votos tenga,  
será o patrín d'o baltizo.

O **patrín** en un baltizo  
ye una presona que  
tiene a funzión de  
protecher a o rezién  
naxito. Ye como bel  
segundo pai.

El **sendico** yera un  
representán d'o  
conzello en os lugares.




Chen d'o lugar:

- Bien, bien!



Sacoron os nombres de dos ombres  
y o nombre d'una muller.  
Tot ro lugar votó a ra muller,  
menos 6 presonas que vоторon a os ombres.

Yera una muller choven tamién  
y a chen d'o lugar l'azeutó  
como matrina en o baltizo,  
fuera d'un ombre rico **empinau**  
que no veyeba bien que una mozeta fuera a matrina.

La matrina y a suya familia se fizieron bien contentos.  
A o niño lo clamoron Pedro  
y estió muito quiesto por toz los vezinos y vezinas.  
A chen estió varias semanas  
charrando sobre a naxenzia de Pedro.



Una presona **empinata**  
ye una presona  
soberbiosa y que se  
creye millor que as  
atras presonas.



**Curiosidaz d'ó capítol:**

[Pachina web d'o Conzello d'Almudévar \(Patrimonio\)](#)



**[Disco de mosica Pedro Saputo:](#)**

A Orquestina d'o Fabirol gravó un disco sobre A Vida de Pedro Saputo. A canta "Bienvenida l'Agudeza" ye inspirada en iste capito

